

Periuk pengacau automatik memudahkan masak daging

BH (INOVASI) 5/9/2017 (SELASA) M/S: 5

[FOTO NAUFAL SHAMSUDDIN/BH]

Daing Nasir melihat periuk dilengkapi alat pengacau automatik hasil ciptaan pensyarah dan kakitangan FTEK pada Program Ibadah Korban dan Aqiqah UMP di Kuantan, semalam.



Kuantan: Program ibadah korban sembilan ekor lembu dan aktiviti memasak di **Universiti Malaysia Pahang (UMP)** kali ini dipermudahkan menerusi inovasi ciptaan periuk dilengkapi alat pengacau automatik.

Program bermula seawal jam 8 pagi itu membabitkan lebih 80 sukarelawan merangkumi staf dan pelajar UMP yang menyembelih, melapah, menimbang, mengagih daging dan memasak.

Kira-kira 100 warga Universiti Malaysia Pahang (UMP) bergotongroyong menjayakan Program Ibadah Korban dan Aqiqah UMP serentak di kedua-dua kampus di Pekan dan Gambang di sini.

Naib Canselor UMP, Prof Datuk Dr Daing Nasir Ibrahim, berkata periuk berkenaan adalah hasil ino-

vasi pensyarah dan kakitangan Fakulti Teknologi Kejuruteraan (FTEK) diketuai Dekannya, Prof Datuk Dr Zularisam Abd Wahid.

Daing Nasir berkata, inovasi itu mampu mengurangkan penggunaan tenaga kerja dan mempercepatkan proses memasak.

Reka bentuk lebih fleksibel

"Kami harap kumpulan ini dapat menghasilkan reka bentuk lebih fleksibel dan menambah baik kualiti serta boleh diperkenalkan kepada masyarakat terutama dalam kalangan pengusaha makanan atau industri berkaitan," katanya di sini, semalam.

Beliau berkata, inovasi sedemikian dapat meningkatkan kecekapan dalam menyediakan juadah berskala besar.